

Obavještenje za korisnike online portala za provjeru uplaćenih doprinosa

Podaci o uplaćenim doprinosima su iz službenih evidencija Porezne uprave Federacije BiH.

Osiguranik ima pravo pristupa isključivo svojim podacima (sa važećim JMBG-om, ličnom kartom i LIB/OIB-om).

LIB/OIB je lični/osobni identifikacioni broj koji je jedinstven, nekazujući, nepromjenjiv i neponovljiv, a dodjeljuje ga Porezna uprava Federacije BiH shodno odredbama člana 10. stav. 3 Zakona o Jedinstvenom sistemu registracije, kontrole i naplate doprinosa.

Ukoliko nemate LIB/OIB, neophodno je da se obratite poreznoj ispostavi prema Vašem prebivalištu, radi izdavanja Obavještenja/Obavijesti o ličnim/osobnim podacima koji sadrži trajni LIB/OIB.

Podaci koje kao korisnici online portala Porezne uprave Federacije BiH dobijete na Informaciji o uplaćenim doprinosima sa uvjerenja JS 3650 (obrazac JS 3650E) za Vaše lične/osobne podatke su informativnog karaktera, te ukoliko su Vam isti podaci potrebni za ostvarivanje određenih prava, na Vaš zahtjev Porezna uprava Federacije BiH u nadležnim ispostavama, prema Vašem prebivalištu, besplatno izdaje Uvjerenje o plaćenim doprinosima (obrazac JS 3650) sa potpisom i pečatom koje ima značaj javne isprave.

Podaci prikazani na obrascu JS 3650E su ponavljamo informativnog karaktera, te ukoliko Vi kao osigurana zaposlena osoba (ili koja je to bila u periodu od 2011. godine) smatrate da podaci koji su prikazani nisu tačni ili potpuni, potrebno je da se obratite nadležnoj poreznoj ispostavi prema Vašem prebivalištu, sa zahtjevom za izdavanje Uvjerenja o uplaćenim doprinosima (obrazac JS 3650) kako bi mogli poduzimati druge radnje koje su Vam potrebne za ovu namjenu.

Podaci na obrascu JS 3650E su generisani na osnovu dostavljenih propisanih obrazaca koje podnose obveznici uplate doprinosa prema Poreznoj upravi Federacije BiH.

Podaci prikazani na obrascu JS 3650E za posljednji, aktuelni mjesec i godinu za koju su uplaćeni doprinosi, u odnosu na vrijeme pristupa i korištenja online portala Vas kao korisnika, mogu kasniti sa prikazivanjem do 45 dana, što zavisi od datuma isplate plate i uplate svih doprinosa, kao i datuma podnošenja propisanih ispravnih obrazaca od strane Vašeg poslodavca kao obveznika uplate doprinosa. Npr. plata za mjesec mart zaposlenim osobama, dospijeva za uplatu doprinosa i isplatu plate do 30. aprila, a izvještaj za isplaćenu platu sa pripadajućim obaveznim doprinosima može se podnijeti do 15. maja iste godine.

Pristup podacima istog korisnika online portala je ograničen brojem logiranja na dnevnoj osnovi, radi omogućavanja pristupa što većem broju osiguranika – korisnika online portala.

Servis će biti dostupan kontinuirano 24 sata, sedam dana u sedmici tokom cijele godine.

Ukoliko kao zaposlena osoba i korisnik portala uočite da Vam nisu uplaćeni doprinosi u skladu sa Zakonom o doprinosima, možete uz punu diskreciju prijaviti nepoštivanje poreznih zakona na jedan od sljedećih načina: putem e-maila sivaekonomija@fpu.gov.ba ili primjedbe@fpu.gov.ba, putem SMS poruke na broj mobitela +387 61 724 610 ili putem besplatnog poziva na broj 080 020 333.

Za eventualne tehničke probleme u vezi korištenja online portala za provjeru uplaćenih doprinosa, možete kontaktirati tehničku podršku putem e-maila: podrska@fpu.gov.ba.

Napomena: Upozorenje korisnicima online portala – zaposlenim osobama se odnosi na zaštitu LIB/OIB-a, odnosno neophodno je da isti čuvate na način da nije dostupan drugim osobama, radi smanjenja rizika od neovlaštenog pristupa Vašim podacima od strane istih osoba.

Obavještenje za korisnike online portala za provjeru evidentiranog osiguranja

Podaci o evidentiranom osiguranju su iz službenih evidencija Porezne uprave Federacije BiH.

Osiguranik ima pravo pristupa isključivo svojim podacima (sa važećim JMBG-om, ličnom kartom i LIB/OIB-om).

LIB/OIB je lični/osobni identifikacioni broj koji je jedinstven, nekazujući, nepromjenjiv i neponovljiv, a dodjeljuje ga Porezna uprava Federacije BiH shodno odredbama člana 10. stav. 3 Zakona o Jedinstvenom sistemu registracije, kontrole i naplate doprinosa.

Ukoliko nemate LIB/OIB, neophodno je da se obratite poreznoj ispostavi prema Vašem prebivalištu, radi izdavanja Obavještenja/Obavijesti o ličnim/osobnim podacima koji sadrži trajni LIB/OIB.

Podaci koje kao korisnici online portala Porezne uprave Federacije BiH dobijete na Informaciji o osiguranju sa uvjerenja JS 3610 (obrazac JS 3610E) za Vaše lične/osobne podatke su informativnog karaktera, te ukoliko su Vam isti podaci potrebni za ostvarivanje određenih prava, na Vaš zahtjev Porezna uprava Federacije BiH u nadležnim ispostavama, prema Vašem prebivalištu, besplatno izdaje Uvjerenje o osiguranju (obrazac JS 3610) sa potpisom i pečatom koje ima značaj javne isprave.

Podaci prikazani na obrascu JS 3610E su ponavljamo informativnog karaktera, te ukoliko Vi kao osigurana zaposlena osoba (ili koja je to bila u periodu od 2011. godine) smatrate da podaci koji su prikazani nisu tačni ili potpuni, potrebno je da se obratite nadležnoj poreznoj ispostavi prema Vašem prebivalištu, sa zahtjevom za izdavanje Uvjerenja o osiguranju (obrazac JS 3610) kako bi mogli poduzimati druge radnje koje su Vam potrebne za ovu namjenu.

Podaci na obrascu JS 3610E su prikazani na osnovu dostavljenih propisanih obrazaca (JS3100 i JS 3100E) koje podnose obveznici uplate doprinosa prema Poreznoj upravi Federacije BiH, a odnose se na osnove osiguranja iz radnog odnosa koji mogu biti: Radni odnos, Izabrana ili imenovana dužnost, Rad ili stručno usavršavanje u inostranstvu, Radni odnos u inostranstvu kod inostranog poslodavca, Samostalni poduzetnik, Radni odnos nerezidenta, Nerezidenti zaposleni kod nerezidentnog poslodavca, Nerezidenti zaposleni u međunarodnim organizacijama, Nezaposlena osoba PIO/MIO, Radni odnos sa PIO RS-a, Radni odnos – poticaj zapošljavanju i Samostalni poduzetnik – poticaj zapošljavanju.

Podaci prikazani na obrascu JS 3610E se odnose na prethodni dan u odnosu na vrijeme pristupa i korištenja online portala Vas kao korisnika, te mogu kasniti sa prikazivanjem do 3 dana (što je rok za unos ispravne prijave u sistem), a isto zavisi od datuma podnošenja propisanog ispravnog obrazaca od strane Vašeg poslodavca kao obveznika podnošenja prijave na osiguranje. Npr. prijava na osiguranje je izvršena 5. u mjesecu, rok za unos je do 8. u mjesecu, tako da će na obrascu Informacija o osiguranju JS 3610E biti prikazani svi podaci o osiguranju u periodu od 2011. godine do 3 dana unazad od dana pristupa. Na Informaciji se mogu prikazati i podaci iz prethodnog perioda ukoliko osiguranik nije mijenjao poslodavca u periodu prije 01.01.2011. godine do dana koji se odnosi na vrijeme pristupa portalu.

Pristup podacima istog korisnika online portala je ograničen brojem logiranja na dnevnoj osnovi, radi omogućavanja pristupa što većem broju osiguranika – korisnika online portala.

Servis će biti dostupan kontinuirano 24 sata, sedam dana u sedmici tokom cijele godine.

Ukoliko kao zaposlena osoba i korisnik portala uočite da Vam nije evidentirano osiguranje u skladu sa Zakonom o Jedinstvenom sistemu registracije, kontrole i naplate doprinosa, možete uz punu diskreciju prijaviti nepoštivanje poreznih zakona na jedan od sljedećih načina: putem e-maila sivaekonomija@fpu.gov.ba ili primjedbe@fpu.gov.ba, putem SMS poruke na broj mobitela +387 61 724 610 ili putem besplatnog poziva na broj 080 020 333.

Za eventualne tehničke probleme u vezi korištenja online portala za provjeru evidentiranog osiguranja, možete kontaktirati tehničku podršku putem e-maila: podrska@fpu.gov.ba.

Napomena: Upozorenje korisnicima online portala – zaposlenim osobama se odnosi na zaštitu LIB/OIB-a, odnosno neophodno je da isti čuvate na način da nije dostupan drugim osobama, radi smanjenja rizika od neovlaštenog pristupa Vašim podacima od strane istih osoba.